

10

T3188/0.83

CHINESE - JAPANESE LIBRARY OF
HARVARD - YENCHING INSTITUTE
81 HARVARD UNIVERSITY
DEC 17 1940

湖南通志卷之十二

山川七

常德府

武陵縣

木瓜山在縣東十五里李太白流夜郎經此有詩

花山在縣西二十里多杜鵑花

平山在縣西三十里一名武山一名太白山又名武

陵山亦名河洑山水經注沅水又東逕平山西南臨

沅水寒松上蔭清泉下注寰宇記武山頂有耆闍寺

道德觀其下有德勝泉名勝志武山旁有西山仙井

白雲洞遺跡郎張虛白醉卧處

谷佛大學漢和
圖書館珍藏印

高吾山在縣西三十里一名西山接桃源縣界其下
郎武陵溪入沅水處

鹿山在縣西三十里下有鹿穴

善濟山在縣西八十里一統志山昔有妖女祠唐袁

映焚之妖遂息後人因名山曰善濟而立袁烈士祠

古城山在縣南七十里前有古隄城蹟宛然蓋郎古

沅南縣

霞山在縣南八十里一名金霞山有淘金場

滄山在縣南一百二十里與霞山相對滄水所出

長坡山在縣北二十里府志背枕陽山前瞰諸湖其

坡特長而秀

陽山在縣北三十里水經注滄水出漢壽縣西陽山

方輿勝覽梁山舊名陽山唐天寶六年改名圖經陽

山之女雲夢之神嘗以夏首秋分獻魚山上望江如

環望湖如鏡名勝志山前有池其下有靈泉寺旁有

飛泉瀑布觀者忘暑府志陽山有風雷雨三洞高聳

雄峙為常德巨鎮四時常有雲氣山頂有廟以祀陽

山之神

大龍山在縣北三十里山勢蜿蜒若龍

風門山在陽山側武陵記風門山有石門去地百餘

丈將欲風起北門隱隱有黑氣上須臾黑風競起又

山上蔥畦隴成行人欲取者先禱山神乃取氣味甚

美

茶林山在縣北三十里一名茶山以多產美蔞名

龍山在縣北六十里隋書地理志武陵有龍山

紱紫山在縣北七十里

鼇山在縣北七十里一名虎齒山武陵記虎齒山形

如虎齒民常六月祭之不然輒有虎害

文殊山在縣北八十里雁門村

七姑山在縣北八十里又十里有藥山相近有浮山

又有龍巖山名勝志龍巖山中有石橋崖壁嵌空白

乳如筍行可五里許至其穴冷然水流不可俯視

善德山在縣東南十五里一名枉山亦名枉人山水

經注枉渚東里許便得枉人山山西帶循溪一百餘

里茂竹便娟披溪陰渚長川逕引遠注於沅唐書地

理志武陵有枉山元和志善德山在縣東九里本名

枉山開皇中刺史樊子蓋以善卷嘗居此改名善德

明統志山有白龍井府志堯讓天下於善卷卷避於

此其村曰善卷村道書第五十三福地

盤古山在縣西南三十里府志上有盤古寺

五泉山在縣西南四十里山下有泉五味各不同

塔山在縣西南九十里亦有淘金塲

三雅洞在縣西武陵記昔有人鑿池得三銅器其下

有銘曰伯雅仲雅季雅蓋漢末所製器也

燕子洞在縣南一百二十里接長沙府安化縣界

龍門洞在縣西北六十里名勝志龍門洞有石巖中

通一門門外有橋其中深邃約二里許下有龍潭

高坪在縣東北十里港水環拱如帶遙望德山若揖

下陽坪在縣西北十里

沅水在縣南今謂之沅江自辰州府沅陵縣東流入

桃源武陵又東流入龍陽沅江入洞庭湖漢書地理

志武陵郡臨沅注應劭曰沅水出牂牁入於江水經

注沅水東北過臨沅縣南與沅南縣分水又東得關

下山又東歷臨沅縣西為明月池白壁灣又東歷三

石澗又東帶綠蘿山又東逕平山西又東逕臨沅縣

南又東歷小灣謂之枉渚又東歷龍陽縣汜州又東

逕龍陽縣北又東合壽溪又東至長沙下雋縣西北

下注洞庭湖入於江府志沅水入桃源逕白馬洞為

白馬江亦名桃川江又東合延溪鄒溪又自沅江縣

富池逕新窖至倒水港府志東下壺頭經怡望歷臨

沅則今府城是也東注龍陽與滄浪水合

枉水在縣南一名蒼溪源出金霞山東北流逕善德

山入沅楚辭涉江朝發枉渚兮夕宿辰陽

沅水在縣南八十里府志酉水自辰州流至此謂之

朗江漢何邵封於此

漸水在縣北源出梁山流入龍陽縣西北入沅水一

名澹水一名鼎水亦謂之鼎江漢書地理志武陵郡
索澹水東入沅水經注澹水出漢壽縣西陽山南流
東折逕其縣南闕駟以爲興水所出東入沅而是水
又東歷諸湖方南注沅亦曰澹水也水所入之處謂
之鼎口方輿勝覽武陵縣有水名鼎口尤多魚一統
志明陵地圖云昔有神鼎出乎其間府志源出梁山
西麓靈泉寺側石罅中東北逕崆籠城下又東北歷
諸湖而出鼎港龍陽縣志鼎口旁有小江亦曰小港
在縣西北四十里去武陵縣亦四十里卽鼎水入沅
處

潛水在縣東北一名麻河一名從河有二源自澧州
安鄉縣流入一出月山東南流至縣城北合澹水入
沅

便河在縣北門外府志元郡鹽哈咄以民難於輸運
乃從北門起至潛水十五里開河以便之歲旱因以
溉田民甚賴焉

玉帶河在縣西北一里一名秀水河名勝志宋端拱
間太守龔穎嘗篆秀水斗門四字

東湖在城內府志舊有鐵船廟

盤塘湖在縣東二十里

笠湖在縣東七十里湖中有沙洲浮起如笠故名

柳葉湖在縣北

鷹湖在縣東北六十里漸水所經相近有土橋湖
青草湖在縣東北七十里絞紫山下相近有衝天湖
寺塲湖又五十里有馬頸湖

白馬湖在縣西北會輦歸老橋記武陵之西北有湖
屬於梁山者白馬湖也

馬子溪在縣西十里

武陵溪在縣西三十里源出平山南流入沅唐孟浩

然有詩方輿勝覽武陵溪亦名德勝泉相近有岳王
溪

采菱澗在縣北陽山西上有橋曰歸老曾子固有歸
老橋記

楊樹潭在縣東十五里又十五里有白沙潭

馬龍潭在縣東四十里流花港口其潭最深

硯瓦灘在縣西三十里

黃泥灘在縣北七十里

三間港在縣東二里

流花口港在縣東四十里縣志循大江旁由港入通

華容交港以達荆江可避洞庭之險

烏龍港在縣西二里又六里有穿紫橋港

沙石港在縣南十里又二十里有大溪港通大江

花柴港在縣南四十里通沅水

永泰渠在縣北萬金村唐書地理志武陵北有永泰

渠光宅中刺史胡處立開通漕且為火備
芷頭灣在縣東三十里

清泥灣在縣西十五里又十五里有龍灣

竹灣在縣西南二十里有高陂古寺

白沙洲在縣東三十里

陳家洲在縣西十五里上有民居又五里有丹洲相

傳掘上得丹砂因名

蕁陂在縣西北十五里俗呼洗馬堰產蕁菜

白鶴池在府堂後名勝志唐李翱為刺史時見賣墨

道士以芒鞋一雙投之池中化為白鶴飛去上有亭

白鶴軒玉笋池在府學左

龍池在城東湖廣通志宋謝承為守時有黃龍見於

水中承拜表上賀因名

柳映池在縣東報恩觀

學書池在縣東北九十五里一統志晉高士伍朝別

墅水色微黑得一泉在天慶觀左其水澄澈甘美

無咎泉在城內珠履坊北

雙栢泉在府署西

濯劍泉在縣南修真觀內

萊公泉在縣北六十里宋類苑鼎州甘泉寺介官道

之側宋寇準南遷口題於東楹曰平仲酌泉經此回

望北闕黯然而去未幾丁謂過之題於西楹曰謂之

酌泉禮佛而去後范諷安撫湖南留詩於寺云平仲酌泉河北望謂之禮佛向南行煙嵐翠鎖門前路轉使高僧厭寵榮淳熙中張栻榜曰萊公泉

孝女泉在縣北六十里老學菴筆記甘泉寺山有孝女泉及祠在萬竹間幽邃可喜

丹砂井在縣北一百步泉赤如絳抱朴子余祖鴻臚少時嘗為臨沅令云此縣有民家世壽考後徙去他

人居其故宅亦累世壽考乃覺是宅所為試掘井左右得古人埋丹砂數十斛去井數尺此丹砂汁因泉

漸入井是以飲其水而得壽武陵廖氏譜廖平以丹砂二千斛置所居井中飲是水以祈延齡

崔婆井在縣西三十里平山下府志宋時道士張虛

白嘗館於酒姥崔氏氏嘗飲以醇酒經年不責償詢母以所欲姥於江水遠不便汲為詞張指舍旁隙地

為井掘不數尺得泉甘冽人爭市之今尚存臙脂井在縣北十五里

胡家井在縣東南六十里中浚村一統志地名牛橋四時湧溢不竭至除夕則枯次年元日子時復滿

桃源縣

高崖山在縣西三十里延溪水出此

萬陽山在縣西一百二十里一名安陽山又名蘇黃

山雲氣開合可占晴雨相近有九首山在大敷溪上

上有九峯故名九溪水出此又有了柱山小敷溪水出焉

焦林山在縣西一百二十里一統志羣山周遭有如城闕巷陌歷歷

壺頭山在縣西二百里接辰州府沅陵縣界詳見辰州府

關下山在縣西今名脚底巖

綠蘿山在縣南十五里漁詠幽谷浮響若鐘志上有綠蘿巖下有潭道書二十四福地

桃源山在縣南三十里高五里周三十餘里下有桃川宮宮旁有空心杉後有煉丹臺其南為秦人洞九

域志桃源縣有桃山

欽山在縣南六十里府志壁鏤欽山二大字有馬援所鑿避暑二石屋

牯牛山在縣南一百五十里接長沙府安化縣界一名古溶山怡望溪出此

靈巖山在縣北七十里山有五洞相連洞中有小河並龍潭水清可鑿府志山下有靈巖寺

方山在縣北八十里多產黃精頂有石洞相近有仙人山莫溪港水出焉又十里有纛旗山又十里有觀

穀山

聞山在縣西南三十五里烏頭村下有溪

穿石山在縣西南七十里橫插大江下有大竇東西

洞達

將軍山在縣西北一百里

水心巖在縣西一百二十里夷望溪口疑即古夷望

山也高聳雲霄上有仙跡水經注沅南縣西有夷望

山孤竦中流浮險四絕昔有蠻民避寇居之故謂夷

望也

燕子巖有二一在縣西一百三十里連壺頭山下有

深峽歲旱禱雨多驗一在縣西三十里石壁有觀音

畫像出自天然

倒水巖在縣西南六十里欽山之東甕子灘上一統

志即水經注三石澗龍家溪自北出流其下其上有

峯列馬石溪左水經注沅水東歷三石澗鼎足均峙

秀若削成其側茂竹便娟致可玩也

漉魚洞在縣西一百二十里大敷溪上有石穴中聞

溪流聲

琵琶洞在縣西府志俗傳昔人遊洞中隱隱聞琵琶

聲

桃花洞在桃源山下一名秦人洞湖廣通志洞前石

橋橫跨兩山名遇仙橋洞口瀑泉千丈落石壁下距

洞里許伏地不見至北三里為桃花溪水合流入江

相傳即晉陶潛所記桃花源也按唐韓愈題桃源圖

詩云神仙有無何渺茫桃源之說誠荒唐宋蘇軾云

世傳桃源事多過其實考淵明所記止言先世避秦來此則漁人所見似是其子孫非秦人不死者也蘇軾之言近是其實秦人漁父不必有其人桃花源不必有其地陶潛高士寓興幽遐彷彿孫綽遊天台賦馳神運想如已再升者也

白馬洞在縣西南二十五里桃花溪北府志洞中有濤湧出奇恠如神物之狀道書三十五洞天

高靈洞在縣西北一百五十里近湯泉府志三面皆白俯仰五十尺橫廣有加洞右有小門僅二尺許初入沈黑燃炬入數十折得若堂若房者數間朗然有光後爲長灘四五折爲十曲巖又數步爲仙界坡坡右有瓊田十二溝塍儼然相傳又十里通赤霞洞人不能至

金鶴洞在縣西北一百五十里一統志三面皆絕人跡一面臨水據石而上凡三折爲小室再折爲石門門內斜狹昏杳不可入

龍潭坡在縣西南一百六十里有路可通辰州府沅溪縣

沅水在縣南自沅陵縣流入會大小敷溪夷望沅水二溪東經府城

白洋河在縣北三十里

洞神溪在縣東一里

延溪在縣東五里源出高崖山東南流入沅寰宇記
延溪有柘樹千餘頃枝條茂暢昔有鳥集其上枝下
垂著地鳥去枝偶振折羣鳥號嘯楚人取其枝為弓
名曰烏號

鄒溪在縣東四十里府志源出縣東北八十里水出
村南流入沅有市民數千家商賈輻輳

清湘溪在縣西九十里一名新瀾溪源出高橋村又
十里有小敷溪源出高橋村了桂山又二十里有大
敷溪源出辰州府安陽山溪口有大敷洲上三溪俱
南流入沅

關溪在縣西一百二十里一名仙人溪水經注關下

山東帶關溪瀉注沅瀆府志仙人溪在水心巖東源
出高橋村南流入沅一名千人溪相傳隔岸有石用
千人拽之故名

梅溪在縣南五里又南百里有梅子溪

陽溪在縣南五十里相近有沙蘿溪

蘇溪在縣北一百里上合黃石溪南流二十里為善
溪以善卷所遊而名

蘭溪在縣北一百里相近有九溪又二十里有黃石
溪源出香山村下合蘇溪

桃花溪在縣西南二十五里源出桃源山北流入沅
又十里有水溪一名鼠溪源出縣南五十里大安村

又二十五里有洗溪一名後溪源出長沙府安化縣界俱西北流入沅

夷望溪在縣西南一百二十里俗訛爲怡望溪又訛爲漁網溪水經注夷望山南有夷望溪水南出重山遠注沅

桐木港在縣西二十里又十里有西溪港

洞洲在縣南十五里

溶洲在縣南三十里

爛船洲在桃源洞後五里湖廣通志相傳晉時漁郎捨舟入洞後出其舟已爛故以名其地

明月池在縣西南水經注沅水歷臨沅縣西爲明月

池白壁灣灣狀半月清潭鏡徹上則風籟空傳下則泉響不斷行者莫不擁楫嬉遊徘徊愛玩

湯泉在縣西北一百四十里從石穴出熱不可留手江月井在縣東一里水中有白石如月故名

黃花井在縣西一里水冽如冰

米井在縣北七十里縣志石子隨水鬻沸如泉春秋不增不減

龍陽縣

軍山在縣東八十里明統志吳潘濬討武陵都尉樊佃屯兵於此

金牛山在縣南六十里上有仙翁洞風洞下有龍池

龍陽山在縣南九十里九域志龍陽縣有龍陽山明統志舊名橫山唐天寶中改名

寶臺山在縣北十五里前對橘洲後連內隄

良山在縣西南七十里良水出焉

浪山在縣西南九十里與武陵縣滄山相連

看竈山在縣東北一百二十里鼎港口一統志相傳

黃帝鑄鼎其竈在此故名又四十里有團山在洞庭

湖中

裨牛山在縣境西陽雜俎龍陽縣裨牛山南有青草

槐叢生高尺餘花若金燈

晒穀巖在縣南有石掌平澗可二十丈許

六溪洞在縣西八十里峭石為門古樹覆焉

鼎口水在縣東一百二十里府志相傳有神鼎出其

中宋改朗州為鼎州以此

酉水在縣東一百八十里源出辰州府西陽山

芷水在縣西方興勝覽郎資水之別派兩岸多生杜

蘅白芷故名

滄浪水在縣西源出武陵城南滄山東北流至此與

浪水合寰宇記滄浪二水合流乃漁父濯纓之處府

志出滄港入江

大滄湖在縣東十五里古名白查湖隋書地理志龍

陽有白查湖

太白湖在縣東八十里西南會天心湖東北通洞庭湖縣志李白遊此故名

陡門湖在縣西十五里一名陡明湖又相近有潭明湖

安樂湖在縣南八十里東北會天心湖入大江

龍池湖在縣南九十里北接安樂湖東連天心湖

山湖在縣北七里西通黃城港入小江

蠡湖在縣東南三十里一名赤沙湖一名赤鼻湖寰

宇記范蠡遊此故名

天心湖在縣東南六十里接沅江縣界東連洞庭湖又縣南安樂湖與此湖通

洞庭湖在縣東北跨沅江縣及岳州府巴陵縣華容

縣澧州安鄉縣界府志湖方八九百里龍陽沅江所

屬特西南一隅耳

壽溪在縣東北水經注沅水又東合壽溪內通大溪

口有木連理根各一岸而凌空交合其上承諸湖下

注沅水

崇神潭在縣西三十里舊名九潭

長江潭在縣西八十里

鴨子港在縣東

武陽港在縣東十里相近有鳳港

黃城港在縣西一統志宋紹興中嘗移縣治於此

滄港在縣西通大江源從滄山來下合沅水

辰陽港在縣北十里

洞庭夾在縣東一百二十里洞庭湖濱縣志往來舟楫候風之所水大則由洪沾口小則由北夾皆可入湖

汜洲在縣西一名橘洲一名九洲襄陽耆舊傳李衡漢末爲丹陽太守遣客十人往武陵龍陽汜洲上作宅種橘千株吳末衡甘成歲得絹數千疋家道富足晉咸康中其宅上枯樹猶在通典沅水入龍陽界歷九洲卽李衡種甘所名勝志汜洲有大小隄二小者去縣西二十五里周廻四十丈又十五里爲大汜洲

隄周廻一千八百丈

湄洲在縣西四十里亦曰眉洲狀如蛾眉

白鶴洲在縣北五里

洪沾洲在縣東北一百八十里亦曰洪沾口曰岳州府巴陵縣渡湖至常德府必經於此

玉帶池在縣東南學前縈環如帶

白蓮池在縣西十里

龍蛇池在縣南金牛山下

玉漿泉在縣西三十里

芳芷泉在縣南十五里

仙隱泉在縣東

鷄鳴亭在縣西

沅江縣

慶雲山在縣治後

明山在縣東五十里接長沙府湘陰縣界屹立江瀕

道場山在縣東八十里沅湘交會處

飛鳳山在縣南一里

紫雲山在縣南三十里

赤山在縣東北五十里洞庭湖邊一名赤山嶺綿亘

數十望上有范蠡廟下有金雞山唐天寶間改名蠡

山山上有白鶴池山色純赭映入湖水

湘山在縣東北接岳州府巴陵縣界漢書地理志益

陽湘山在北括地志湘山在洞庭湖中

七仙洞在縣北一百里

嫩草江在縣南二里四都村

芷江在縣西南湘水分派逆行數十里北會沅水入

洞庭

沅水在縣南自富池傍湖分派逆行新寧至倒水港

資水在縣西南自長沙府益陽縣流入又北流入洞

庭湖其支流自縣南瓦石磯分流東流至長沙府湘

陰縣界入湘水水經資水又東與沅水入於湖中東

北入於江注湖即洞庭湖也所入之處謂之益陽江

口

喬江河在縣南六十三里出喬口通湘江喬江縣以此得名

鶴湖在縣東三十里

上瓊湖在縣西又西二里有下瓊湖

石溪湖在縣南半里又三十里有龍池湖

白泥湖在縣南四里水漲通益陽

桂花湖在縣南十里又二十里有鶴湖又四十里有

柘潭湖又五里有苦竹湖

黃花小白湖在縣北十里

千子湖在縣西南二十五里

天心湖在縣西北四十里龍陽沅江受資水會於此

入洞庭

寒潭在縣南一里

董良灘在縣南七十里

龍硤港在縣南三十里下有龍潭又三十里有青草

港

彭池港在縣南七十里接益陽界

蒿洲在縣北五十里與汴州相連

關洲在縣東南五十八里元和志建安二十年孫權

遣呂蒙襲長沙零陵桂陽三郡先主引兵五萬下公

安令關羽入益陽此洲蓋屯兵之處

卧龍墨池在縣南三十里縣志相傳武侯宿此

富池在縣南四十五里

澠池在縣南一百里接安鄉湘陰龍陽三縣界

辰州府

沅陵縣

天寧山在縣東相近有北泉山

桐木山在城內東北又相近有鶴鳴山

飛霞山在城內西北

怡容山在縣東一里峯巒奇秀

三崕山在縣東二里三峯鼎峙有三崕寺

馬鞍山在縣東一百里山形起伏以形似名

明月山在縣東一百五十里元和志下有明月池沅

陵記云兩岸素山崖石若披雪寒松如插翠

夸父山在縣東俗名撐架山朝野僉載夸父山在辰

州東三山鼎足直上各數千丈耆老傳曰鄧夸父與

日競走至此煮飶此三山者夸父支鼎之石也

虎溪山在縣西二里虎溪水出焉縣志有陽明書院

肖像其中有松雲軒玉芝亭好景樓鷗鷺居諸勝

光明山在縣西五里一名龍門山方輿勝覽山有砂

井土人採取入井把火行二里燒石取之名勝志下

有龍爪崖以形似名

白田頭山在縣西十里亂峯嵯峨每雪霽後山頭積

素望若圖畫

南山在縣南一里名勝志一名客山周廻十餘里北
瞰大江有石磯高廣百尺名曰南巖下有箭潭其深
不測相傳馬援投矢於潭故名

香爐山在縣南二里有塔

金華山在縣南縣志有石橫三尺縱五尺碎金疊起
故名金華天半側嶺如橋

雲臺山在縣東南

茗山在縣東南水經注東溪水出茗山山深逕險人
獸阻絕溪水北瀉沅川水

龍騰山在縣西南七里高聳特出

洪山在縣西南三十里有層巒疊嶂之勝相連奮赤

竹山

壺頭山在縣東北一百三十里接常德府桃源縣界
後漢書郡國志沅陵有壺頭山注馬援軍渡處又馬
援傳援進營壺頭賊乘高守隘水疾船不得上會暑
甚士卒多疫死援亦中病乃穿岸爲室以避炎氣水
經注壺頭山高一百里廣圓三百里山下水際有新
息侯馬援征五溪蠻停軍處壺頭徑曲多險其中紆
折千灘

小酉山在縣西北二十里一名烏速山亦名酉陽山
有石穴名妙華洞荊州記小酉山石穴中有書千卷
相傳秦人於此學因扃之方輿勝覽小酉山在酉溪

昔秦人避地之所堯時善卷唐張果皆嘗隱居於
內

大酉山在縣西北四十里明統志上有龍湫甚靈禱
雨卽應

芋山在縣境寰宇記沅陵縣芋山有蹲鴟如兩斛大
食之終身不饑

葱山在縣境寰宇記沅陵縣葱山有葱如人植人往
取之輒絕禱神而求不拔自出武陵記謂之葱嶺

七盤嶺在縣東南四十里翠峯峭拔行者側足

燕子巖在縣西三里虎谿山下石穴如屋土人貿易
皆聚於此

白龍巖在縣西沅江上縣志白石峭拔其首若龍然

辛女巖在縣西接瀘溪界縣志江上奇峯絕壁有石
立如人隔江對峙一巖有船懸於巖孔又連亘十餘

里皆峭巖巖中有洞里人懸而上避兵焉

金龜巖在縣南縣志巖之上有八卦痕

白巖在縣北二十里一名白崖界山山多白石望之
有如積雪

甕子洞在縣東一百八十里其形如甕水流洄湫舟
行甚險

雲從洞在縣南縣志深可數里藍水遶其下

七仙洞在縣南有七門

白霧洞在縣東南五十里縣志巖壁峻險洞深五里
中有石仙石龍

柘溪洞在縣東南九十里一統志上有風雨雪二穴
前有石池相傳龍蟄其中池水渴沸即雨

妙華洞在縣西北二十里小酉山一名偏崖洞亦曰
玉華洞與大酉山相連方輿勝覽唐翟相庭兒時戲

躍入井忽自妙華洞中出已去縣十里
女娘洞在縣西北百餘里水自洞中出入明溪

紅樹坪在縣西北
乃始坡在縣東一百十里又縣南有青山坡

橫岡坡在縣北

辰水在縣東二里入沅與辰溪縣辰水名同實異

諸魚水在縣東七十里今名蒸魚澗水經注諸魚溪
水北出諸魚山與天門郡之澧陽縣分嶺溪水合南
流會於沅

夷水在縣東水經注夷水南出夷山北流注沅

酉陽水在縣西二十里源出小酉山東北流入酉水

沅水在縣南一名沅江自靖州會同縣東北流入黔
陽辰溪又北流入瀘溪又東北流入沅陵縣界又東

北流入常德府桃源縣界水經沅水東至鐔城縣東
逕無陽縣注沅水東逕無陽縣又東逕辰陽縣一澧

水注之又東與序溪合又東合柱水又東逕辰陽縣

南東合辰水又逕沅陵縣西武水注之又東施水注之又逕竇應明城側又合東溪水又東與諸魚溪水合又東夷水入焉元和志沅江水在辰溪縣南二百步九域志黔陽縣有沅水府志沅江在黔陽縣名清江亦名黔江自會同縣流入至托口與郎江合又東至縣西與無水合又東逕城南至縣東與洪江合又至縣東北一百里銅灣入辰溪縣界合激水至縣東南折而西北至縣城西南合辰水又北流至瀘溪縣東南合武溪折而東至府城東過百曳高湧九磯橫石諸灘又東過北斗灘又東過結灘又東過清浪雷洲二灘入桃源縣界

施黔水在縣西南一名施溪水經注水南出施山溪源有陽欺崖崖色純素望同積雪細泉輕流望川競注北流會於沅

酉水在縣西北自永順府永順縣流入合會溪入沅一名酉溪又名北河水經注酉水東逕沅陵縣北又東南逕潘承明壘西又南注沅水闕駟謂之受水其水所決入名曰酉口

淶溪在縣東上有塔相近有蕉溪怡溪硯石溪

虎溪在縣西二里南入沅

藍溪在縣南七里源出白霧洞西北流至縣西南入沅

舒溪在縣南

容溪在縣東南一百里西北流合縣東怡溪入沅卽古東溪水經注沅水又合六溪水

春伊溪在縣西南

麻溪在縣西南四十里源出澉浦縣穿雲峯西北流入沅

楊溪在縣西南源出洪山西北流入沅又沅州南十里亦有楊溪源出三繞坡東北流六十里入無水

茗溪在縣東北源出茗山

明溪在縣西北一百里源出永順府永順縣南流入酉水古名構溪五溪之一水經注武陵有五谿謂羅

谿構谿力谿無谿酉谿夾谿悉是蠻左右所居故謂

此蠻爲五谿蠻也宋史西南諸蠻傳天禧元年溪州

蠻寇擾二年知辰州錢絳等入下溪州破寨柵刺史

彭儒猛亡入山林詔捕來獻儒猛上狀自訴求歸上

許釋罪儒猛乃奉上所略民口器甲詔通判劉中象

召至明灘與歃血盟遣之

會溪在縣西北一百十里縣志源出永順府永順縣

高望山西南流入酉水唐天授中析辰州置溪州於

此又縣西北一百三十里有羅油溪亦入酉水

墨巖潭在縣西又相近有銅馬潭

鐵豬潭在縣西縣志潭深無底馬希範曾鑄一鐵豬

鎮之

百曳灘在縣東十里沅水中一統志相傳後漢劉尚征蠻至此江流峻急令百夫曳之不能進又東十里有高湧灘

九磯灘在縣東三十里沅水中長可二里磯凡有九盤曲中流

橫石灘在縣東四十里沅水中有石梁橫架水底亦名橫石洞

北斗灘在縣東八十里沅水中有怪石七隱列水底若斗杓然又東二十里有結灘

清浪灘在縣東一百二十里沅水中有伏波祠灘山有三門灘電洲

雷洞灘在縣東北一百四十里沅水中江流觸石其聲若雷

烏速灘在縣西北小酉山之下

燕子灘在縣西北水漲時聲若雷轟

鷺翅洲在縣前江中

河上洲在縣東一曰龍吟洲上有廣福寺塔

清心泉在縣東

噴玉泉在縣東絕壁藤蘿泉聲潺潺落巖穴中

蝦井在縣後二里縣志辰無蝦惟此井有之

瀘溪縣

稱鉞山在縣東一里沅水東岸一統志山右隅水傍有石長三尺許每春夏水漲洪濤不能沒秋冬水涸汙泥不能侵俗傳昔有人移之潭底後復見於舊所邑人謂之神石

羊橋山在縣西十里亦名天橋山下有女仙洞又西

十里有馬腦山又西三十五里有古城山

銅馬山在縣西四十五里上多松林

巖牛山在縣西七十里山頂有巨石如牛

居住山在縣西八十里山有石室苗獠所居

河谿山在縣西九十里河溪所出

頭梯山在縣西一百二十里施溪徑其下

上勞山在縣西一百二十里府志左有洪洞右有蠟

洞產蠟頂上有鍊沙泉沙色如金山腰有石擊之如

鐘鼓聲名鐘鼓石

無時山在縣西一百四十里明統志此山多茶樹鄉

俗當吉慶之時親族歌舞聚會於此

思門山在縣西一百五十里二峯對立峭壁如門最

爲險要

武山在縣西一百八十里後漢書南蠻傳昔高辛氏

有犬戎之寇募有得犬戎吳將軍頭者妻以少女帝

有畜狗名槃瓠銜人頭造闕下乃吳將軍首也帝以

女配槃瓠槃瓠負入南山石室中生六男六女自相

夫妻衣服斑斕語言侏離帝賜以名山廣澤其後滋蔓今長沙武陵蠻是也注今辰州瀘溪縣西有武山

高可萬仞山半有槃瓠石室中有槃瓠行跡

蘭泉山在縣南二十里上有飛泉直下如練下有蘭

泉洞一名響水洞洞左有水月崖相近有長嶺山

連竭提山在縣南四十里峯巒聳拔一名展誥山

三台山在縣北五里本名虎頭山一統志路峻石危

頂乃平敞可坐萬人上有虎頭砦

鐵山在縣東南十五里

踏湖山在縣西南一百八十里接麻陽縣界

雲頭山在縣西北十里縣志上有雙石峙如門昔人

避兵其中

野鋤山在縣西北二十里相近有雲頭山

鹿子嶺在三台山下

荒茅嶺在縣北

觀音巖在縣東二十里相近有仙槎壑

銅馬巖在縣南十五里緣亘數里

鹿兒巖在縣南四十里臨沅水

小紅巖在縣東北二里相近有大紅巖

水月崖在蘭泉山

高崖在縣西北一百里嶄然高出衆山

玉田洞在縣東十五里縣志洞中幽邃左畔石坂上

如田狀者千餘俗呼爲千坵田石壁有獅象及亭臺諸像

蟠龍洞在縣西七十里舊名楠木洞又十五里有七峯洞

風雷洞在縣西三百五十里一統志懸巖千仞二洞並立左風右雷更有一洞介乎其中水泉翻浪而出天每欲雨則風雷發於二洞之中

石榴洞在縣南十二里

玉華洞在縣南三十里船溪驛路右舊名偏崖明萬歷初知縣王京改名朝陽洞後又改今名

金井洞在縣南六十里浦市村洞內幽敞秉燭乃可入容數百人有泉可資灌溉

白牛洞在縣南八十里有白石如牛形

飛水洞在縣南九十里水從半山湧出飛瀑而下

鹿洞在縣北二十里鹿洞溪

鰕魚洞在縣東南三十里

高巖水在縣西一百二十里自巖穴中流出與鎮溪合入瀘溪

清江洞河在縣西十里縣志山此進乾州左首有石橫江中流一線迂折而行

洗溪在縣西二十里舊縣治在焉相近有蘇木溪麻溪在縣西三十里又西五十里有紅舒溪

潭溪在縣西五十里又縣西北九十里有河溪俱南流入武溪

熊溪在縣西六十里熊水經注作雄乃五溪之一也

武溪在縣西一百五十里源出武山合小河徑縣城

南合沅水一名武水一名廬水後漢書南蠻傳建武

二十三年精夫相單程等據險隘寇郡縣武威將軍

劉高發南郡長沙武陵兵萬餘人乘船泝沅水入武

溪擊之水經注武水源出武山南流注沅古今注武

溪深馬援南征之所作也援門生爰寄生善吹笛援

作歌以和之名武溪深其曲曰滔滔武溪一何深鳥

飛不渡獸不能臨嗟哉武溪多毒淫水經注辰水又

逕沅陵縣西有武溪源出武山南流注於沅九域志

瀘溪縣有武溪

鎮溪在縣西一百五十里發源乾州廳鎮溪山流入

瀘水

鷓溪在縣西二百六十里源出崇山流合武溪注沅

水

天門溪在縣南五里相近有鶴巖溪又南三里有水

田溪

紅土溪在縣南十五里又南四十里有浦溪

長坪溪在縣南六十五里又南十里有峯堆溪

松子溪在縣北三里又二十七里有甘草溪

白土溪在縣東北二里有火石橋

柳潭在縣西十里

鐵柱潭在縣西南三十里辛女巖下

夾船灘在縣西二十里相去十里有橫崖灘

白沙灘在縣南十里

武口洲在縣東武沅二水左右分流延袤五里許又

名五里洲

象池在縣南十里

一線泉在縣東十五里

雲頭井在縣西北雲頭山縣志昔人避兵山上水可

供千餘人

辰谿縣

五城山在縣東一里元和志武陵記云楚威王使將

軍莊躋定黔中因山造城故名

時駐山在縣東三里一統志相傳諸葛武侯行師駐

此

觀音山在縣東二十里懸崖垂磴石壁飛泉旁有香

爐峯

房連山在縣東四十五里連峯接岫狀如房屋

仙靈山在縣東有仙靈洞

鳳凰山在縣南七十里有仙門洞石竇如城門水自

外流入竇伏而不見約里許復自洞後竇中出

紫山在縣北一里上多紫石

熊頭山在縣北二十里以形似名

龜山在縣西南一里下有鐘鼓洞深里許有二石扣之作鐘鼓聲

五峴山在縣西南四十里一名五硯山五峯竝峙

羅子山在縣東北一百二十里接沅陵澁浦二縣辰

溪所出

九峯嶺在縣西

香爐峯在縣東十五里

瞿仙峯在縣東北二十里府志相傳有瞿童於此修道

錦雞巖在縣西北三里上有塔

大酉洞在縣西二十里深廣二里石笋倒垂泉水沸

湧相傳昔產丹砂自洞中流出

仙人洞在縣南四十里洞門高廣橫石如樓可坐數百人

白沙洞在縣西南巖石峭險龍門溪出焉

辰水在縣西南一名錦水亦名辰溪又名錦江自貴

州銅仁府銅仁縣東南流入鳳凰營及麻陽縣界又

東北流入辰谿縣西南入沅武陵五溪之一漢書地

理志辰陽三山谷辰水所出南入沅七百五十里水

經注辰水出三山谷獨母水注之又逕辰陽縣北冊

說麻陽縣城南河自施州長官司流入五十里至縣城名錦江又東北八十里入辰谿縣界一統志此水徑古錦州故謂之錦水沅陵縣東亦有辰水南流入沅與此水名同實異

龍溪水在縣西南六十里水經注沅水又東逕辰陽縣縣有龍溪水南出於龍嶠之山北流入於沅水玉帶河在縣治東南縣志環學宮如玉帶

桑溪在縣東二十里西流至縣南入沅

洞水溪在縣西十五里源出大酉洞流入辰水

雄溪在縣西三十里源出雄山東南入辰

柱溪在縣南一名柱水水經注柱水導源柱溪北流

至沅

市溪在縣南二十里滙衆水入沅

辰溪在縣東南十里源出羅子山西南流入沅

龍門澗在縣西南六十里

石馬潭在縣西二十里

仙李潭在縣南

鷓鴣灘在縣南八十里府志亂石橫江舟行戒嚴

大洲在縣南十里沅水中

澁浦縣

桃花山在縣治後一名華蓋山高險可以守望山多

桃樹今呼桃花圃

鷄鳴山在縣東一里

紅旗山在縣東二十五里高數百丈山脊平曠亦名

紅旗洞名勝志湖南馬希範收武陵蠻至此見洞中

隱隱有紅旗遂屯兵其上

詩住山在縣東五十里一統志空洞玲瓏每風月良

夜嘗聞吟咏聲

靈萃山在縣西一里一名靈翠山

廬峯山在縣西十里周八十餘里

大豐山在縣西十二里峯巒秀異縈繞如障

大激山在縣西三十里一名十激山上有十小峯森

然競爽激水所經又西二十里有激溪山

詔誥山在縣南十五里又南二十五里有波濤山又

南十里有鳳凰山

桃谷山在縣北一里一名桃谷岡溪流繞其下

金井山在縣東南十二里舊有淘金坑今廢

鄜梁山在縣東南一百五十里今名頓家山接寶慶

府邵陽縣界漢書地理志武陵郡義陵鄜梁山序水

所出縣志頓家山遠近貨茶者多佃於此

仙葬山在縣東北三十里府志山有石巖遙望巖中

有棺長可十丈

嵯峨山在縣西北六十里盤旋聳秀一名磨嵯山

穿雲峯在縣北六十里山峯高聳徑路陡峻下有巨

石孔狀若城門麻溪出此

巖門在縣東三十里兩崖夾峙爲行旅必由之道

黑巖洞在縣東十里其中深黑有水下流溉田甚廣

明月洞在縣東六十里巖上有水一泓其狀如月

楠木洞在縣西二十里盧峯山西石壁峭立梯竹以

登有水曰龍池其泓莫測洞門有楠木羅蔽中深五

里有楠木泉下流爲無盡溪

通仙洞在縣西三十里縣志洞門有石下垂如柱相

傳中深三十里爲神仙所居

對馬洞在縣西北二十里

激水在縣南古名序水序亦作敘亦名序溪又名雙

龍江亦曰激川源出縣東南頓家山西北流入辰谿

縣南水經注序溪水出義陵郡義陵縣郵梁山西北

流逕義陵縣又西北入於沅府志激水發源處名龍

灣溪至激浦縣東合龍潭溪西流至縣南二里之龍

堆又西徑大激山入辰谿縣南界江口入沅

龍灣水在縣東南發源於武岡州頓家山流經縣境

七十里會雙龍江入沅

鄭家溪在縣東二十五里西南流入激水

柳溪在縣東三十里西南流入激水

來溪在縣東三十里西南流入激水

桃溪在縣西八里源出盧峯山流繞縣治南入激水

黃沙溪在縣西一百五十里流入龍潭溪

順溪在縣南六十里源出黔陽縣界分水隘東北流入龍潭溪舊名開溪宋神宗改今名

龍潭溪在縣南一百二十里源亦出分水隘東流過龍潭巡檢司前匯而爲潭由地中行二里復出又東北流至縣東入激水

大潭在縣東五里激水中府志江心視他處獨深故名居民用木石作壩壅水灌田

青江潭在縣西五十里相近有盧深潭溉田甚溥大沉漉灘在縣西二十里激水中相近有小沉漉灘及西有莎衣曲眉米倉等灘

赤阿儼灘在縣西二十五里又五里有勵梭灘

鷹渚在縣西二里縣志渚間有石突出其形如鷹

乾州廳

毘羅山在廳東一里

醜陀山在廳東極高峻

廻龍山在廳東三十五里

華蓋山在廳東五十里

武山在廳西十二里隋書地理志龍標有武山

崇山在廳西六十里蜿蜒高峻山頂有瀑布聲聞若

雷府志舜放驩兜於崇山卽此元置崇山衛於山下

明廢

思麻山在廳南兩山夾立思麻溪出焉

獅子山在廳北五里又北五里有蹲獅山又北十里
有鸞橋山

紗帽山在廳北十里

仙人山在廳北二十五里

金龍山在廳東南七里

鎮溪山在廳東南十五里高出衆山之上鎮溪出此
張家山在廳東南上有蠻砦

蝦蟇山在廳西北十八里

笋溪山在廳西北二十里

叢桂山在廳西北三十里山高千仞有寨名桂折徑

路歌邪下臨絕壑

天門山在廳西北三十五里山高十里從人回起望
若天門

白巖山在廳西北四十五里

太虛洞在廳東三里有月窟門天根梯蝦蟇峽獅子
堂渡仙橋煉丹臺寶塔廊玉帳崖諸勝

九十九洞在廳西十五里其洞有九十九穴

長車洞在廳南十里

五雲洞在廳北三十里

湖水洞在廳東北四里

猿洞在廳東北四十里

桃花洞在廳西北十五里天然石屋高二三丈

大唐坡在廳北十五里

相見坡在廳東北八里

小河在廳境源出鎮溪所李洞山苗洞西南流合武溪

多若溪在廳東二十五里又十里有河溪

樟木溪在廳東三十里

鎮溪在廳凍源出鎮溪山流入武溪宋史熙寧三年置鎮溪砦

榔栳溪在廳西二十五里

雅溪在廳西源出崇山流入武溪

紅水溪在廳南五里

谷望溪在廳北三十二里

三盆灘在廳東四里

夾船灘在廳東三十里

上紅巖灘在廳東一百五十三里相近有下紅巖灘

清江洞灘在廳東北二十里最險有三洞高皆數丈

舟立而上下則如墜

桃林灘在廳西北九十里凡廳中險灘二十七

永綏廳

尖崖山在廳東北三十里府志峯巒巖嶽拔地倚天

山頂有石室井泉

蠟爾山在廳西南諸苗所居小溪出此或以爲郎古
磨匿山元和志磨匿山在常豐縣東五十里
老鳳山在廳西北

高巖河在廳南二十五里

花園河在廳南七十里發源貴州流至永順府保靖
縣入江歷五十五灘

古銅溪在廳北八十五里

小溪在廳西南源出蠟爾山流入永順府保靖縣界
鳳凰廳

竹岩山在廳東山多竹苗人結岩其上

都督山在廳西府志南唐時都督鎮撫溪苗駐兵於

此

官山在城南里許

侯龍山在城西北二里

天星寨在城北三十里周圍削石高逾千尋上廣下
斂形如張蓋饒於薪汲歷爲紅苗屯聚據險之所康
熙四十三年將軍席爾達等領兵隨間道引梯而上
直抵山巔衆苗懾服就撫至今各安耕鑿

湖南通志卷之十三

山川八

沅州府

芷江縣

花山在縣東三十里明統志石色青赤相映如繡又
謂之繡巖名勝志花山出花石上有砦曰花山砦右
有松林砦左有山坡砦三砦相倚

瀑布山在縣東五十里上有飛泉

板門山在縣東八十里山巖對峙如門宋時為向蠻
據守處

保牢山在縣東一百里一統志迴巖曲嶺重複深阻

上有前後中三砦曰井水灣曰姑娘衝曰倒塘又有景龍砦一名麻池砦更高險此山與板門山皆古鎮江砦也

高明山在縣東一百二十里高峻為諸山之冠上有池極清冽板門溪之源也

晃山在縣西九十里九域志盧陽縣有晃山

壘石山在縣西若溪砦東南二里下有壘石灘

葉家山在縣南四里一名榜山無水徑其下

明山在縣北二十里亦曰北山九域志盧陽縣有明

山方輿勝覽郡主山也岡巒重複朝抱郡治飛雲濃

巒如列畫屏

雙髻山在縣東南五十里二峯並峙

武陽山在縣境方輿勝覽盧陽縣有武陽山一名青

鶴山

竹山在縣境山多大竹故名

白石洞在縣東七十里無水徑其下

巖坡洞在縣東北後山鄉一名林家洞深數十丈中

有石屋

龍井洞在縣東北後山鄉其洞有三一曰龍井其泉

流溉田百餘畝一曰甘泉一曰水井

三繞坡在縣南六十里

芷江在縣境即古資水也水經注資水出武陵郡無

陽縣界按縣舊為州境州故漢無陽縣也縣之命名
芷江以此一統志據水經本文云資水出零陵都梁
縣路山遂謂資水源出武岡州以武岡固漢都梁也
然郭璞注明與經異是資水固有二源矣舊志於沅
州不載芷水尤非

沅水在縣西境亦謂之沅江山海經沅水出象郡鐔
城西入下雋西合洞庭中水經沅水出牂牁且蘭縣
為旁溝水又東至鐔城縣為沅水東逕無陽縣又東
北過臨沅縣南又東至長沙下雋縣西北入於江
無水在縣南自貴州思州府玉屏縣東流入縣界又
東南流至黔陽縣城西入沅水一曰巫水亦曰澗水

又曰舞水一作澗水五溪之一漢書地理志無陽無
水首受故且蘭南入沅八百九十里水經注無水出
故且蘭南流至無陽故縣又東南入沅謂之無口方
輿勝覽澗水在盧陽辰州府志無水自平溪衛東流
二十里至掛榜灘又一百五十里至州城西折而東
南流四十里入黔陽縣境入沅江

楊溪水在縣南六十里發源三遶坡東北流入沅
五郎溪水在縣北二十里發源明山東南流入沅
板門溪在縣東西流徑鎮江砦北入豐溪
浮蓮溪在縣東四十五里源出瀑布山流六十里入
龍門溪

豐溪在縣東八十里源出田家山流入無水宋史辰州盧溪郡有豐溪砦

烏溪在縣東一百十里源出保牢山東流至黃田入無水

龍門溪在縣東一百四十里源出寅門山東北流五十里至辰陽縣界名仙靈澗西北入辰水

西溪在縣西一百三十里源出九牙狝狝東流入無水

渭溪在縣西一百三十里元和志渭溪縣渭溪水自錦州渭陽縣流入

峩溪在縣西二百二十里入無水

雙井在縣治東北淵深而泉清足供一城之用

楊都井在縣南二十里

黔陽縣

龍標山在縣治東梁置龍標縣以此又縣東五里有虎頭山

鰲魚山在縣東三里一名水口山上有亭宇松栝之勝爲邑人登眺之所

梁山在縣東六十里下有洞洞口有池

白雲山在縣東六十里高二十里時有白雲環遶其上

馬腦山在縣東八十里上有砦

赤竹山在縣東一百四十里岡隴盤糾叢生赤竹故名

古佛山在縣東一百五十里灣溪南相傳有聶劉兩道士修仙於此

金斗山在縣西三里又西三十七里有馬鞍山

赤寶山在縣南對河山勢插空居民常結砦其上

七寶山在縣南一百里沅水南沅水無水合流於此

九域志黔陽縣有七寶山名勝志山勢插空日出霞

映如錦

紫霄山在縣北十五里九域志黔陽縣有紫霄山名勝志

勝志巖谷中常有紫氣騰霄故名

雞公山在縣北四十里唐書武德四年置雞翁縣隸

夷州義泉郡以此山得名

鈎巖山在縣北七十里一名鈎崖山削壁懸崖倒垂

如鈎中有泉土人禱雨於此謂之鈎崖聖水

羅公山在縣東南一百六十里接寶慶府武岡州及

靖州會同縣界水經注之龍橋山一名羅翁山名勝志

周迴五百里絕頂有池廣數十里昔有羅姓隱

此得道因名府志山西北有池廣數百畝歲大旱此

處獨稔號曰熟坪山各有洞洞各有砦皆獠居之地

無菽粟鹽布所產惟黍及蕎麥山有八面惟西北一

面通黔陽縣

移山在縣東南水經注熊溪南帶移山山本在水北
一夕風雨旦而移水南故名

蟠龍山在縣西南二里沅水南上有石室清泉

牛角坡山在縣西北十里一名牛角坡山勢環曲如牛

角

大溪峯在縣北十五里

三里巖在縣南十五里每阻行舟明成化中知縣陳

鋼鑿平之

香爐巖在縣北門外無水旁危削如冠鎮壓江流域

堞藉之以固

卧龍巖在縣西南四十里渠水之左一統志其洞深

邃廣數十步石壁如垣泉湧不竭湖廣通志旁為諸

葛古城

太溪洞在縣東南五十里亦名大谷洞方輿勝覽大

谷洞在黔陽洞中深邃泉流不竭

巖泉洞在縣東北六十里地名豐坡幽深空窈今名

黔江在縣南

澗水在縣北本無水九域志黔陽縣有澗水

大源溪在縣東五里源長不竭灌溉中莊田畝下流

入沅水又縣東八十里有茶陵溪下流亦入沅

長坡溪在縣東九十里崖屋冲流入沅

小龍溪在縣東九十里源出柘木巖近木古界西北

疏入沅

沅溪在縣西十里源出沅州西界龍鄉南流至縣界入沅

柳溪在縣南五里

瀑木溪在縣南三十五里源出靖州會同縣界流入

沅水

煙溪在縣北十里源出金龍山西北流入無水灌溉甚多宋煙溪舖置此

熊溪在縣東南五十里自靖州會同縣流入至縣界入沅一名洪江一名渠河武陵五溪之一上流名運

水水經注無陽縣南臨運水水源出東南岸許山西北逕其縣南注於熊溪熊溪南帶移山下注沅水

大洞溪在縣東南五十里源出大溪洞流入沅水

大龍溪在縣東南一百里源出羅公山西北流入沅

水水經注龍溪水南出於龍橋之山北流入於沅水

稔禾溪在縣東南一百六十里源出羅公山灌漑甚

饒西北流入沅水

淇溪在縣東北一百七十里石保鄉疑郎水水經注之

一澄水水經注一澄水南出扶陽之山北流會於沅

朗溪在縣西南自靖州會同縣流入縣界至托口入

沅水一名郎江亦名渠水

獅子灘在縣東三里沅水中下有伏石狀如獅子因

名水流至此沸聲如雷又東五里有紫蘿百丈灘
漢水灘在縣東十三里水源自底沸湧而出因名
連珠灘在縣東四十里沅水中洲渚相連其下即洪

江口

大汛瀉灘在縣東六十里沅水中其水傾瀉而迴洑
因名又東十五里有小汛瀉灘又東十五里有盤盞
灘

黃綵滾洞灘在縣東九十里沅水中水湓拗折舟行
最險

龍陽洲在縣西無水入沅處中夾沙洲隨水高下
雪騰湫在縣東南九十里水泉沸湧濺珠如雪明統

志在黔陽縣東安江寨歲旱則祈之常有雲雨之應

麻陽

湘山在縣東一里名勝志縣東門有錦水渡路通辰
沅其上為湘山唐宋時名東山上有東山寺

龍門山在縣東六十里連山參差崖石對峙最為險
絕宋史辰州盧溪郡有龍門砦

浮石山在縣東七十里辰水濱獨峙江濱高數十丈
江漲若浮

天河山在縣東八十里下泂中有天井出水

苞茅山在縣東九十里茅坪村元和志苞茅山產茅
有刺而三脊寰宇記即古人貢之茅

石梯山在縣東一百二十里峯巒峻起石磴峻嶒如梯相近有雄山

犀逃山在縣西五里下有犀潭一統志昔傳犀出其上為人所獲故名

天擎山在縣西三十里有洞俗名破崖有石柱形如蓮花圍可數丈舊去頂丈許今已接連

西晃山在縣南三十里元和志在盧陽縣南一百里出丹砂縣志峯巒秀麗紫翠萬狀縣學皆面之為邑

鎮山

青紅山在縣東南十里崖嶺幽奇花竹掩映如畫
齊天山在縣東南五十里一名霽天山宋置齊天舖

於山下方輿紀要峯巒秀異高出雲表

巖門山在縣東北五十里

羅裙山在縣西北二十里有尖峯四圍如裙褶

羅甕山在縣西北四十里山石紆迴層疊突起如甕

蠟爾山在縣西北百三十里蠟俗蜡方輿紀要山之

東北屬鎮溪所及保靖衛竿子坪長官司山之西屬

貴州銅仁府銅仁平頭二長官司山之西北與四川

酉陽宣撫司鄰

雙石崖在縣東南九十里一名屏風崖有二石對立

三面如一相傳石根隨水高下土人神之舟楫莫敢

犯明景泰中築岩置戍名安江雙崖城

黃蠟洞在縣西二十里

雨珠洞在縣北二十里俗名崖洞縣志高百丈深如之有四門洞後一門宛如中雷其中曲徑仙田石笋

石馬石龍石鐘瀑布引人入勝

庚子洞在縣北五十里崖壁崢嶸石室宏敞相近有

御史洞

石網洞在縣東北五里濱水深處有石羅布如網

林祿洞在縣西北縣志一水從洞中流出經旱不涸

白旗水在縣東五十里入辰水

獨母水在縣東今名龍門溪水經注獨母水源出龍

門山獨母溪北入辰水

錦水在縣西三里自舊錦州發源經縣入辰今名錦

江九域志盧陽縣有錦水

麻伊溪在縣東八十里源出沅州界北流至瀘泥入

辰水縣以此名

蠻村溪在縣東一百二十里源出瀘溪縣界南流入

辰水

梁源溪在縣西十里徑縣前入辰水

施溪在縣西三十里源出貴州思州府玉屏縣東北

流至縣界入辰水

龔溪在縣東南四十里源出西晃山東北流入辰水

宋史辰州盧溪郡有龔溪砦

西溪在縣東北六十里發源苗寨經者富塔入辰水
劍潭在縣東湖廣通志舊名官潭昔人取魚得劍因
名

巖屋灘在縣東伏波廟下辰水中

甕泡灘在縣西四里辰水中

大坡灘在縣西四十里多峻石扼舟

永順府

永順縣

飛霞山在縣東二十里縣志上有飛來石閣棟宇門

戶若神工

賀虎山在縣東八十里明溪出此相近有太陽山

心印山在東九十里

錫帽山在西三十里

傘峯山在西八十里

福祿壽山在縣南三十里後為華蓋山上多古木

蟠龍山在縣南八十里山蜿蜒如龍靈溪出此下有

馬谷坡

體亞牙山在縣南一百里相近有取牙山

觀音山在縣北十里下有玉泉

玉屏山在縣北十五里

太平山在縣東南二十里

繡屏山在縣東南三十里六峯拱抱如城

福石 在縣東南三十里相近有將軍山

天馬山在縣東南三十三里

雲靄山在縣東南一百里俯視羣山下有巖力坡龍

坪潭

高望山在縣東南一百二十里茶溪出此路通辰州

府

牛角山在縣東北二十里

飛鳳山在縣東北三十里有兩峯儼若鳳翅

紗帽山在縣西北

屋山在縣西北一百八十里山有洞如虛堂

春容洞在縣東六里

納溪洞在縣東南四十里

酉水在縣西南源出縣西北

徑縣西南又

流入辰州府沅陵縣界漢書

志武陵郡充西陽

山西水所出南至沅陵入沅行千二百里水經注酉

水導源益州巴郡臨江縣故武城之充縣酉源山東

南流逕黟陽故縣南又東逕遷

故縣界與西鄉溪

合謂之西鄉溪又東逕遷陵

故城北東逕酉陽

故縣南

大河在縣東南湖廣通志源出東流司南逕散毛司

折而東逕龍山縣又逕其縣西北又南流卯洞水注

之又南流東得兩江口又得列冬河口會流入辰水

白沙河在縣西南左右兩泉噴湧曲折縈繞滙於靈溪

猛洞河在縣西北湖廣通志自忠建洞發源逕府東北南流入王村河雍正九年開濬通舟楫

聚龍湖在縣東南四十里

賀虎溪在縣東八十里

勞車溪在縣西八十里源出洗亞車刺著二處西南

流入靈溪

廟溪在縣南源出雷公嘴北流入酉水

榔溪在縣東南四十里源出縣東北分水隘西南流

入酉水

納溪在縣東南六十里西流入酉水

白水溪在縣東南八十里西流入酉水

明溪在縣東南一百二十里東南流逕辰州府沅陵

縣界入酉水宋史辰州盧溪郡有明溪砦

茶溪在縣東南一百二十里源出高望山卽會溪上

流東南流入沅陵縣界縣志五代時馬希範立銅柱

於此

羅衣溪在縣東南一百六十里源自高望山下流入

江

施溶溪在縣東南一百九十里源出吳良界西南流

入酉水元史地理志會溪施溶等處設長官司

容虎溪在縣東北接澧州安福縣界

靈溪在縣西南源出蟠龍山西南流入酉水湖廣通

志唐置靈溪郡蓋以此

白沙溪在縣西南下流入靈溪

龍潭有二一在靈溪下流一在雲靄山下

箭潭在縣南九十里

象潭在縣東南

松雲潭在縣治西北上有巉心亭又有安壽山房潭

上石壁勒松雲潭三字

茶灘在縣東宋史諸蠻傳熙寧五年進彭師晏爲下

溪州刺史築下溪州城竝置砦於茶灘南岸

茨灘在縣東二百八十里浪濤奔騰其險異甚

鳳灘在縣東二百八十里

月漾池在縣東南太平山下其山頂有太乙池

蓮池在縣東南三十里有紅白二蓮池

天池在縣東南七十里毛土坪一名天堰

十泉在縣北五十里石上有古刻十泉二字

甘泉在縣東南三十里泉出石中僅一泓

飛泉在縣東南五十里馬力坡下縣志急流飛瀑遠

望如珠簾

溫泉在縣西北猛洞河側蠻人謂之溫潭

斗泉在縣西北五十里

龍山縣

鐵爐山在縣東八十里

八面山在縣西橫亘百里接四川酉陽土司界

馬鞍山在縣南七十五里

洛塔山在縣北七十里上有天然井冬夏不涸

金斗山在縣東南二百里

太平山在縣東北一百四十里

史雨山在縣西南

分水嶺在縣東北一百三十里

仙人巖在縣北三十里

龍潭巖在縣西南三十里

仙人洞在縣西二十里山壁立陡絕其半有洞攀躋無路而朱瀾宛然傳爲仙人所居

跳魚洞在縣西南果利河水底有洞每歲春水泛溢逢陽日千魚逆流而上跳躍於洞中土人爭於岸邊俟其來網而歸

臘竹江在縣西源出隆頭下流入酉水

果利河在縣西南

佛潭在縣北三十里其深莫測潭之西峭壁如削上刻佛像鬚眉如畫

青魚潭在縣西南八面山頂周五六畝水色縹碧間有魚游泳其中

卯洞灘在縣西南四十里

艾葉溪在縣東及干溪在縣南紅岩溪在縣東南青

江溪桃竹溪在縣西南

保靖縣

霞林山在縣城內

馬鞍山在縣東二里

廻龍山在縣東五里

米西吾山在縣東一百里

洛浦山在縣西唐置洛浦縣以此名

獅子山在縣西十里

煙霞山在縣西二十里

黔山在縣西元和志黔山在三亭縣西五十里後漢

時陸康伐蠻假此即禱請為援諸樹木皆有人馬之

形因平羣寇改為武神山

後龍山在縣南一里

鐵門山在縣南一百五十里

雲臺山在縣北十二里

崖窩山在縣北八十里世溪出此

呂洞山在縣東南一百五十里

稞沙山在縣西南五十里

著苦土山在縣西北八十里蒙冲溪出此

石門洞在縣西北元和志在三亭縣東百五十里其

險纜通一舟

更始水在縣北自四川酉陽土司界流入又東流至永順縣界入酉水一名北河水經更始水至武陵酉陽縣入於酉水注更始水即延江支分之始也東入巴東之南浦縣其水注引瀆水石門又謂之西鄉溪溪水間關二百里許方得出山又二百餘里東南至遷陵縣西鄉溪口在遷陵縣故城上五十里左合酉水冊說北河有二源一出邑梅土司界一出平茶土司界至爛泥灣合流自酉陽司界流入徑司西北會諸水至永順界與靈溪合卽西鄉溪水也

白溪在縣東五十里源出排都當北流入北河

世溪在縣北五十里源出崖窩山東南流入北河

小溪在縣西南一名小江又名小河源出辰州府蠟

爾山東北流由小江口入北河

蒙冲溪在縣西北六十里源出著菩土山南流入北河

龍馬灘在縣境又有古牛灘婆樹灘某步灘俱在縣境

桑植縣

前山在縣治南一名瓦窰岡

陽岐山在縣東三十里高十三里廣三十里北濱西水

萬明山在縣西四十五里

木頭坡山在縣西六十里相近有大米山

桂香山在縣西八十里

卧龍山在縣西

案臺山在縣西

竹葉山在縣南十里

椒陽山在縣南六十里相近有西界山

鶯嘴山在縣北十五里上有鴉鵲泉西竹寨

天星山在縣北即天池口

得勝砦山在縣北十五里

牛角山在縣北五十里

茅華山在縣東南一百四十里

桑樹壩山在縣東北七十里

椿草坡山在縣西北二十里

卧雲山在縣西北二十五里產鐵

雲朝山在縣西北一百二十里

杉木山在縣境

歷山在縣西北一百五十里澧水發源處水經澧水

出武陵充縣西歷山東詳見澧州安福縣

分水嶺在縣東四十五里

立雪峯在縣城內

茅岡在縣南接永順縣及澧州安福縣界一名峒岡

獨笋巖在縣西四十里又十里有獅巖

三星巖在縣西八十里有三峯高列

棋盤巖在縣西北六十里

觀音洞在縣南三里一統志洞有三重逶迤而入澄

潭石髓幽勝莫可名狀歷第三潭數里許通縣城東

門聞城中男女鷄犬聲

老虎洞在縣南五里有水南流入上峒河

鼓皮洞在縣西南

巖壁洞在縣西北有水東流入西河

上峒河在縣西南東北流入西河

官壩河在縣西南北流入上峒河

田谷河在縣西南西流入官壩河

兩家源河在縣東北源出湖北施南府宣恩縣界南

流入西河一名八斗溪

綠水河在縣西北五十里源出湖北施南府宣恩縣

界南流入西河

官溪在縣東

東門潭在縣東

犀牛潭在縣西

小龍潭在縣北

溫泉在縣西四十里四時皆溫

見龍泉在縣西五十五里

龍眼泉在縣北東南流入西河

白龍泉在縣北五十里

黃龍泉在縣北五十五里

魚陽泉在縣東南縣志泉水長土大旱泉水消土雨
七眼泉在縣西北東南流入西河

